



Beasaingo Udala

Beasainen, bi mila eta hemeretziko otsailaren hogeita batean

BILDURIK

Alde batetik, BEASAINGO UDALA, Aitor Aldasoro Iturbe, jaunak ordezkatuta, Beasaingo Udalaren Alkate-lehendakaria, Toki araubidearen oinarriak erregulatzen dituen apirilaren 2ko 7/1985 legearen 21. artikulua.

Bestetik, AIZKORRI MENDIZALE ELKARTEA (IFK.: G20318275), Jesus Maria Larrion Sotil jn. (NA 72431793-D) Aizkorri Mendizale Elkartearen lehendakariak ordezkatuta, 2018ko azaroaren 23ko batzar orokorrean hartutako erabakiaren arabera.

AURREKINAK

I. Aizkorri Mendizale Elkartek giza jarduera aski ezagunak egiten ditu, batik bat gazteekin eta hirugarren adinekoekin.

II. Aizkorri Mendizale Elkartek kultur sustapenean biziki laguntzen du, urtean zehar hainbat jarduera programatuz.

III. Aizkorri Mendizale Elkartek ingurugiro-hezkuntzako jarduera aipagarriak eta aldi berean mendizaletasunari buruzko kirol-praktikan oinarrituriko lanak egiten ditu.

IV. Hitzarmen honen helburua Aizkorri Mendizale Elkartearen eta Udalaren arteko harremana erregulatzea da, 2019. urtean zehar hainbat jarduera desberdin egiteko.

BALDINTZAK

LEHENA.- Aizkorri Mendizale Elkartek, honako jarduerak antolatu eta ordaintzeko konpromisoa hartzen du.

- Urtean zehar 20 mendi irteera, horietako bat Pirinioetara egingo du asteburu pasa. Horietaz gain, eskolarteko mendi-batzordearekin batera 13 goizeko irteera egingo dira.
- Mendi Federazioaren Eskola arteko martxa neurtua antolatuko du martxoaren 10ean.
- Ingurumena ezagutzeko, maitatzeko eta zaintzeko 3 irteera-jarduera antolatuko dituzte, beti ere hezitzaile-teknikariekin bideratuta.
- Aurtengo helburuetako bat ingurumen sentsibilizazioa lantzea da elkartearen mendi ibilaldietan, autogida digitala deskargarri bat prestatzea hain zuen.
- Loinatzetan, jubilatuentzat Toka eta Igela txapelketa antolatuko dute eta Danborradan eta Gastronomía lehiaketan hartuko dute parte.
- Otsailaren 10ean, Arangoitiko egoitzara bisitaldia.
- Beasaingo Jubilatutako egoitzarekin batera, jubilatuentzako zenbait mendi irteera.
- Uztailaren 12, 13 eta 14ean, Arrakasta mendi elkartearekin "Ehunmilak" proban kolaboratzaile moduan hartuko du parte eta urrian mendi-astearen antolakuntzan.



- Finalistaren eguna urriaren 27an izango da.

BIGARRENA.- Beasaingo Udalak jarduera horien antolaketarako **5.500,37 €** emanaz lagunduko dio. Ordainketa zerga eta gizarte segurantzako betebeharretan eguneratuta dagoela kreditatu ondoren, urtean bi aldiz egingo dira likidazioak 3.400,37 € apirilean eta 2.100 € urrian.

Udalak ematen duen diru-laguntza bateragarria izango da helburu berdinetarako elkarteak jasotzen dituen beste laguntzekin. Jasoz gero, ezagutu bezain pronto, Udalari jakinaraziko dio eta horrek hitzarmena berrikustea ekarriko du.

Dirulaguntzen Lege Orokorraren 13. artikuluan xedatutakoaren arabera, AIZKORRI MENDIZALE ELKARTEAK egiaztatu beharko du ordaindu beharreko zergak, gizarte-segurantzakoak barne, egunean dituela.

HIRUGARRENA.- Aizkorri Mendizale Elkarteari dagokio hitzarmendutako jardueri beharrezkoa den publizitatea egitea eta Beasaingo Udalaren laguntza (eta logotipoa) aipatzea beraiek antolatutako jardueri buruz egiten dituzten prentsarako ohar guztietan. Era berean, leku duin eta ikusgarrian aipatu beharko dira Beasaingo Udalaren laguntza, kartel, aldizkari, esku-egitarau, e. a., motatako zabalkunde-bitartekoak erabiltzen direnean.

LAUGARRENA.- Hizkuntz Politikako irizpideak jarraituz, idatziz sortzen diren material guztietan (kartel, diptiko, eskuliburu, apunte etab.) euskarari lehentasuna emango zaio eta materialen zirriborroak inprimategira eraman aurretik Udaletxera ekarriko dira testuen hizkuntz egokitasuna eta proportzioen zuzentasuna ziurtatzeko. Aurkezpenetan eta antzekoetan ere euskarak lehentasuna izango du.

BOSGARRENA.- Aizkorri Mendizale Elkartea, publizitate bidez finantzatuko dituen diptiko edo beste edozein inprimakiren kasuan, dendariek euskarazko publizitatea eros dezaten ahaleginduko da eta, bestela, publizitatea bietara jasotzeko ahalegina egiteko konpromisoa hartzen du.

SEIGARRENA.- Udalak hizkuntzari dagozkion arlo guztietarako bere laguntza eta lankidetzak eskainiko ditu.

ZAZPIGARRENA.- Beasaingo Udalak beharrezkoak diren Udal zerbitzuak eskaintzen jarraituko du, esandako jarduerak ongi burutuko direla ziurtatzeko eta horien antolaketa gainbegiratu ahal izango du.

ZORTZIGARRENA.- Beasaingo Udalak Aizkorri Mendizale Elkarateak aurkeztutako kontuan hitzarmendutako zenbatekoa sartuko du jarduera burutu baino lehen, eta Aizkorri Mendizale Elkarateak urtea amaitu baino lehen udalaren esku utzi beharko du ondorengo dokumentazioa:

- a) Jardueren azalpen memoria, bertan ekitaldi guztietan egindako hizkuntz erabilpenaren berri zehatza eta arrazoitua emanaz.





Beasaingo Udala

- b) Fakturak edo eskuratutako dokumentuak, ahal bada originalak, edota fotokopiak, egindako gastuen egiaztagarri.
- c) Idatziz sortutako materialaren ale bana aurkeztu beharko ditu.

BEDERATZIGARRENA.- Aizkorri Kultur Elkartek bere partaidetza beharrezkoa den beste edozein ekitalditan lagunduko du eta ahal duen neurrian kultur mahaian.

HAMARGARRENA.- Hitzarmen hau betetzeari dagokion guztirako, Aizkorri Mendizale Elkartek, Alkatetzak honetarako izendatzen duen pertsona edo pertsonekin izango ditu zuzeneko harremanak.

HAMAIKAGARRENA.- Emakumeen eta Gizonen Berdintasuna babesteko klausula. Elkarrekin berdintasuneko irizpideak (Otsailaren 18ko 4/2005 Legea, Emakumeen eta Gizonen Berdintasunerakoa eta hau aldatzen duen otsailaren 16ko 3/2012 Legea) kontuan hartuko dituzte bai elkartearen barruan bai eta sustatzen dituzten proposamenak gauzatzeko garaian ere.

HAMABIGARRENA.- Datu pertsonalak babesteko klausula.

- A. 1999ko abenduaren 13ko 15/1999 Lege Organikoan (DBLO) ezarritakoa betez, alegia, Datu Pertsonalak Babestekoan, alde bakoitzak erasandakoen baimen informatua lortzeko ardura izango du, hain zuzen ere, hitzarmen honen xede diren jardueren garapenean beharrezkoak diren beren datu pertsonalen tratamendurako. Era berean, alde bakoitzak hitzarmen honen xede diren jardueren garapenean erabilitako datu pertsonalen konfidentzialtasuna bermatzeko ardura izango du.
- B. Elkarrekin Beasaingo Udalarik datu pertsonalen lagapena eginez gero, uneoro, beren datu pertsonalak lagatzeko erasandakoen baimen informatua duela bermatu beharko du.
- C. Alde bakoitzak egin litzakeen indarrean dagoen datuak babesteko araudi honen ez-betetzeetatik letozkeen ardurak bere gain hartuko ditu

HAMAHIRUGARRENA.- Aurreko edozein baldintza behar bezala ez betetzeak hitzarmen hau berrikustea ekarriko du.

HAMALAUGARRENA.- AIZKORRI MENDIZALE ELKARTEA (IFK.: G20318275) baimena ematen dio espresuki BEASAINGO UDALARI, Gipuzkoako Foru Aldundiko Ogasun eta Finantza Departamentutik eta Gizarte Segurantzatik eskura dezan, hitzarmen honetan aipatzen den ORDAINDU BEHARREKO ZERGAK EGUNEAN IZATEAREN baldintza betetzen duela egiaztatzen duen agiriak:

☒ BAI

☐ EZ

Eta esandako guztiarekin ados egonik, bildutakoek dokumentu hau urte baterako sinatu dute bikoizturik, goiburuan aipatutako data eta lekuan.



